

Ministarstvo finansija Kantona Sarajevo, kojeg zastupa Ministar finansija Prof. dr. Jasmin Halebić, ul. Maršala Tita 62., 71000 Sarajevo (Naručilac usluga)

i

Ekonomski institut Sarajevo, ul. Branilaca Sarajeva 47, 71000 Sarajevo, JIB 4200267150005, kojeg zastupa Direktor Doc. dr. Muamer Halilbašić (Pružalac usluga)

zaključuju

UGOVOR

O PRUŽANJU USLUGA IZRADE STUDIJE „STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020“

Član 1.

PREDMET UGOVORA

Predmet ugovora su usluge izrade studije „**STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020**“ u iznosu od 38.500,00 KM bez PDV-a (tridesetosamhiljadapetstotinaKM), a sa uračunatim PDV-om iznosi 45.045,00 KM (četrdesetpethiljadačetrdesetpet KM).

Ovaj ugovor zaključuje se na osnovu provedenog postupka konkurentskog zahtjeva za dostavu ponuda, objavljenog putem Obavještenja o nabavci broj: 640-7-2-6-3-3/17, dana 06.10.2017. godine na Portalu javnih nabavki, Odluke Ministra finansija Kantona Sarajevo o dodjeli ugovora, broj:JN-OI-08-01-14-29411-12/17 od 16.11.2017. godine.

Član 2.

OBAVEZE UGOVORNIH STRANA

Pružalac usluga je obavezan:

- Izraditi studiju „**STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020**“ (jednostruki prored), prema svojoj ponudu,
- Predati Naručiocu usluga studiju „**STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020**“, u analognom obliku (štampano) i u digitalnom obliku (snimljeno na CD-u), sve u 4 (četiri) primjerka.

Naručilac usluga je obavezan:

- da obezbjedi sredstva za realizaciju ovog Ugovora u iznosu od 38.500,00 KM bez PDV-a (tridesetosamhiljadapetstotinaKM), a sa uračunatim PDV-om iznosi 45.045,00 KM (četrdesetpethiljadačetrdesetpet KM),
- Pružaocu usluga platiti na način i pod uslovima kako je to utvrđeno u ovom Ugovoru,
- da izvrši prijem studije „**STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020**“,
- da primi sve fakture koje ispostavi Pružalac usluga i iste ovjeri u smislu potvrđivanja da li je posao u cjelosti ili djelimično obavljen, te ih dostavi na plaćanje.

Naručilac usluga ima pravo da zahtijeva od Pružaoca usluga da ga informiše o svim bitnim detaljima u vezi izvršenja ovog ugovora, da mu Pružalac usluga preda studiju „STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020“.

Član 3.

CIJENA I NAČIN PLAĆANJA

Ugovorne strane su se saglasile da je cijena za realizaciju predmeta ovog Ugovora - **izrada studije „STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020“**:

38.500,00 KM bez PDV-a (tridesetosamhiljadapetstotinaKM), a sa uračunatim PDV-om iznosi 45.045,00 KM (četrdesetpethiljadačetrdesetpet KM).

Plaćanje cijene će se izvršiti na slijedeći način:

- 40 % od cijene ugovora- po potpisu ovog ugovora i dostavi avansnog računa i
- 60% od cijene ovog ugovora-po prihvatanju studije „STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020“ od strane Naručioca usluga.

Plaćanje će se vršiti u roku od 15 dana od datuma fakture na račun, koji navede Pružalac usluga na svojim fakturama.

Sve fakture će biti adresirane na Naručioca usluga – Ministarstvo finansija Kantona Sarajevo, ul.Maršala Tita br. 62, 71000 Sarajevo.

Naručilac usluga je obavezan da ovjeri fakture koje mu ispostavi Pružalac usluga u skladu sa čl. 5., 6. i 7. ovog ugovora, u smislu potvrđivanja da je posao – predmet ovog ugovora u cjelosti ili djelimično obavljen, te iste u roku od 8 (osam) dana dostaviti na plaćanje. Ukoliko Naručilac usluga bude imao primjedbi na realizaciju ovog ugovora od strane Pružaoca usluga i na fakture koje ispostavi Pružalac usluga, o tome će odmah obavjestiti Pružaoca usluga.

Pružalac usluga potvrđuje da prihvata eventualna manja kašnjenja u izvršenju plaćanja, a koja nastanu kao posledica funkcionisanja platnog prometa Kantona Sarajevo putem Trezora Ministarstva finansija Kantona Sarajevo.

Član 4.

ROKOVI

Ugovorne strane su se saglasile da je rok za izradu Studije 60 (šezdeset) dana od dana potpisivanja ovog ugovora.

Rok za prihvatanje Studije je 10 (deset) dana po predaji.

Rok za izradu eventualnih dopuna i izmjena je 10 (deset) dana po dostavi zahtjeva od strane Primaoca usluga.

Rokovi mogu biti produženi samo uslučajju više sile, opravdanog neispunjenja obaveze jedne od ugovornih strana, to jest na osnovu pismenog dogovora ugovornih strana.

Pod višom silom podrazumjevaju se elementarne nepogode većih razmjera i eventualni društveni poremećaji koji mogu uticati na realizaciju ovog ugovora (demonstracije, nemiri i sl.). Ugovorne strane moraju pismeno konstatovati da su nastupili uvjeti koje smatraju vušom silom ili objektivnim okolnostima, te se u tom slučaju rok produžava za onoliko dana koliko su trajali uvjeti više sile ili objektivnih okolnosti.

Član 5.

KAZNENE ODREDBE

Svaka od ugovornih strana je saglasna da naknadi štetu nastalu drugoj ugovornoj strani ili licima izvan ovog ugovora, ukoliko do štete dođe njenom krivicom odnosno činjenjem ili nečinjenjem i propuštanjem rokova utvrđenih u ovom ugovoru.

Visina naknade za pričinjenu eventualnu štetu utvrdiće se po pravilima za naknadu štete važećeg Zakona o obligacionim odnosima

Član 6.

OSTALE ODREDBE KOJIMA SE REGULIŠU MEĐUSOBNI ODNOSI

Naričiocu usluga pripadaju sva prava u pogledu korištenja, svojine i upotrebe studije „STRATEGIJA UPRAVLJANJA DUGOM U KANTONU SARAJEVO, ZA PERIOD 2018-2020“, i podataka koje sadrži Studija, bez bilo kakvih ograničenja od strane Pružaoca usluga.

Član 7.

ZAVRŠNE ODREDBE

Sve eventualne sporove ugovorne strane će nastojati riješiti sporazumno, a ukoliko se sporazum ne postigne, spor će se riješiti pred stvarno nadležnim sudom u Sarajevu.

Na tumačenje odredbi ovog ugovora primjenjivaće se važeći Zakon o obligacionim odnosima.

Član 8.

PRIMJERCI UGOVORA

Ovaj Ugovor sačinjen je u 4 (četiri) istovjetna primjerka, od kojih po 2 (dva) dobija svaka ugovorna strana.

Davalac usluga
Ekonomski institut Sarajevo

Direktor
Doc. Dr. Muamer Halilbašić

Broj: _____/17

Sarajevo, _____ 2017. godine

Naručilac usluga:
Ministarstvo finansija Kantona Sarajevo

Ministar finansija
Prof. dr. Jasmin Halebić

Broj: 08-01-14-29411/17

Sarajevo, 17.11.2017. godine